

## PRIČA O IZETI I NURKI KARADŽA



Tešku životnu priču Karadža Nurke konačno će barem malo olakšati preseljenje u novi stan, u zgradi izgrađenoj u okviru Regionalnog stambenog programa. Nurka je u ratnom periodu boravila u Unis Kampu u Jablanici, sa svojom sestrom i sinom. Njen osamnaestogodišnji sin, tada poručnik u vojsci, poginuo je za vrijeme rata. Ostale su samo Nurka i Izeta, u bolnom vrtlogu života. Nakon izbjeglištva u Jablanici, vraćaju se u tranzitno - prihvatni

centar u rodnom selu Jabuka, kod Foče. Izeta je počela da radi u obnovljenoj školi, gdje je ostvarila pravo na penziju. Dvije godine provedene u tranzitno prihvatnom centru okončane su postavljanjem montažnog objekta u selu Jabuka, u kojem su sestre Karadža nastavile da žive do useljenja u novu zgradu. Vlaga i neuslovnost za život dodatno su pogoršale stanje ionako bolesne Nurke. "Naravno da mi je drago što prelazimo u novi stan. Na meni je sto bolesti, a sada će mi barem doktori i apoteka biti blizu.", uz bolan uzdah govori nam Nurka i pokazuje kutiju punu tableta koje svakodnevno pije. Novo mjesto stanovanja, barem djelimično ublažava životne rane koje Nurka i Izeta nose. "Hvala donatorima, neka su živi i zdravi!", riječi su Izetine na rastanku.

Regionalni stambeni program finansira i podržava međunarodna zajednica



Regionalni stambeni program (RSP) ima za cilj da obezbijedi trajna rješenja za stambeno zbrinjavanje raseljenih lica nastalih nakon sukoba na teritoriji bivše Jugoslavije u periodu od 1991-1995. godine. RSP sprovode Bosna i Hercegovina, Hrvatska, Crna Gora i Srbija, a finansira najvećim dijelom međunarodna donatorska zajednica. Glavni donator je Evropska Unija. Ostali donatori su SAD, Njemačka, Italija, Norveška, Švajcarska, Danska, Turska, Luksemburg, Kipar, Rumunija, Republika Češka, Republika Slovačka i Mađarska.